



სატენდერო დოკუმენტაცია

სასერვეროს პრეციზიული კონდიციონერების საგარანტიო მომსახურების (CPV 50730000)
სახელმწიფო შესყიდვა
გამარტივებული ელექტრონული ტენდერის საშუალებით

2016 წელი
ქ. თბილისი

ს ა რ ჩ ე ვ ი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვის შესახებ ხელშეკრულების პროექტი
4. დანართი №1- ფასების ცხრილის სავალდებულო ფორმა
5. დანართი №2- რეკვიზიტების საილუსტრაციო ფორმა

1. ინსტრუქცია ტენდერში მონაწილეთათვის

- 1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონული სისტემაში.
- 1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.3. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია, ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).
- 1.6. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7. პრეტენდენტს არა აქვს უფლება წარმოადგინოს ალტერნატიული სატენდერო წინადადება.
- 1.8. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.
- 1.9. შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში, საკონტაქტო პირი: თენგიზ ჯუღელი, ტელ: 2910517.

2. ტექნიკური დოკუმენტაცია

2.1 ტექნიკური დავალება, მიწოდების ვადა, სატენდერო წინადადების ფასის გაანგარიშება, ანგარიშსწორების პირობები;

2.1.1 შესასყიდი ობიექტის დასახელება, აღწერილობა, რაოდენობა (მოცულობა)

2.1.1.1. შესყიდვის ობიექტია შემსყიდველი ორგანიზაციის კუთვნილ, 8 ერთეულ “STULZ”-ის პრეციზიულ სასერვერო კონდიციონერზე (5 ერთეული - სიმძლავრით 10 კვ. და 3 ერთეული - სიმძლავრით 20კვ.) საგარანტიო მომსახურების შესყიდვა 2017 წლის 1 იანვრიდან 2017 წლის 31 დეკემბრის ჩათვლით პერიოდის განმავლობაში.

2.1.1.2 საგარანტიო მომსახურება გულისხმობს საგარანტიო პერიოდის განმავლობაში სატენდერო დოკუმენტაციით გათვალისწინებულ კონდიციონერებზე, როგორც მიმდინარე ტექნიკური (პროფილაქტიკური) მომსახურების გაწევას, ასევე მწყობრიდან გამოსვლის შემთხვევაში, მათ შეკეთებას და საჭიროების შემთხვევაში, ტექნიკური მომსახურებისთვის და შეკეთებისთვის საჭირო კონდიციონერის ვარგისი ნაწილების და მასალების მიმწოდებლის სახსრებით შეძენას.

2.1.2 შესასყიდი ობიექტის მიწოდების ვადა

2.1.2.1. შესასყიდი მომსახურების გაწევის პერიოდი იწყება 2017 წლის 1 იანვრიდან და მთავრდება 2017 წლის 31 დეკემბერს.

2.1.2.2. მიმდინარე (პროფილაქტიკური) მომსახურების გრაფიკი განისაზღვრება კონდიციონერების ტექნიკური საჭიროებიდან გამომდინარე.

2.1.2.3. საგარანტიო მომსახურების გაწევის პერიოდის (01.01.17–31.12.17) განმავლობაში, პრეციზიული კონდიციონერის მწყობრიდან გამოსვლის ყოველ შემთხვევაში მისი შეკეთება განხორციელდება შემსყიდველი ორგანიზაციის წერილობითი მოთხოვნიდან 10 (ათი) სამუშაო დღეში.

2.1.2.4. მომსახურების გაწევის ადგილია შემსყიდველი ორგანიზაციის ცენტრალური ოფისი (მის. ქ.თბილისი, წმ.ნიკოლოზის/ნ.ჩხეიძის ქ.#2).

2.1.3 სატენდერო წინადადების ღირებულების გაანგარიშება:

2.1.3.1. პრეტენდენტმა უნდა წარმოადგინოს სატენდერო წინადადების ფასი, რომელიც გაანგარიშებული იქნება შემსყიდველი ორგანიზაციის მიერ განსაზღვრული ფასთა ცხრილის ფორმის (დანართი №1) შესაბამისად.

2.1.3.2. პრეტენდენტის მიერ წარმოდგენილი ფასთა ცხრილით გათვალისწინებული 1 ერთეული პრეციზიული კონდიციონერისთვის საგარანტიო მომსახურების ყოველთვიური ღირებულება უნდა ითვალისწინებდეს საგარანტიო პერიოდის 1 კალენდარული თვის განმავლობაში ამ პრეციზიული კონდიციონერისთვის გასაწევი ტექნიკური (პროფილაქტიკური) და მისი მწყობრიდან გამოსვლის შემთხვევაში, შეკეთების მომსახურებების გაწევისათვის საჭირო ყველა ხარჯს, მათ შორის, ყოველ კონკრეტულ შემთხვევაში, ტექნიკური (პროფილაქტიკური) მომსახურებისთვის და შეკეთებისათვის საჭირო კონდიციონერის ვარგისი ნაწილების და მასალების ღირებულებას და საქართველოს კანონმდებლობით მიმწოდებლისთვის დადგენილ ყველა გადასახადს.

2.1.4 ანგარიშსწორების სავალდებულო პირობები

ყოველი კალენდარული თვის, გარდა დეკემბრის თვის, განმავლობაში გაწეული საგარანტიო მომსახურების ღირებულება ანაზღაურდება ყოველთვიურად, შესაბამისი კალენდარული თვის დასრულების შემდეგ, შესაბამისი საგადასახადო ანგარიშ-ფაქტურის წარმოდგენის შემდეგ (თუ მიმწოდებელი დღგ-ს გადამხდელად არის რეგისტრირებული), მხარეთა მიერ გაფორმებული მიღება-ჩარების აქტის საფუძველზე, მისი გაფორმებიდან 10 სამუშაო დღის ვადაში, ხოლო დეკემბრის თვის განმავლობაში გაწეული საგარანტიო მომსახურების ღირებულება ანაზღაურდება არაუგვიანეს 2017 წლის 31 დეკემბრისა.

2.2. ფასწარმოქმნის ადეკვატურობის დასაბუთება

„გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-11 მუხლის 2¹ პუნქტის საფუძველზე, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს 5 (ხუთი) სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება, რომელიც უნდა ადასტურებდეს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ფასწარმოქმნის ადეკვატურობა, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული, ან/და სამემფასებლო დასკვნით (პრეტენდენტის მიერ, დასკვნასთან ერთად, ასევე წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი).

2.3. პრეტენდენტის მიერ სისტემაში ასატვირთი მონაცემები:

2.3.1 პრეტენდენტმა უნდა წარმოადგინოს ფასთა ცხრილი სატენდერო დოკუმენტაციის დანართი №1-ის შესაბამისად.

2.3.2 პრეტენდენტს უნდა გააჩნდეს “STULZ”-ის პრეციზიულ კონდიციონერებზე ტექნიკური ან/და საგარანტიო მომსახურების გაწევის მინიმუმ 3 წლიანი გამოცდილება და რის დასადასტურებლადაც მიმწოდებელმა სისტემაში უნდა წარმოადგინოს შესრულებული ხელშეკრულებები შესაბამისი მიღება-ჩაბარების აქტებით ან/და SPA ან CMR მოდულში შესრულებული ხელშეკრულებების რეგისტრაციის ნომერები ან/და შემსყიდველი ორგანიზაციის წერილები.

2.3.3 პრეტენდენტმა უნდა წარმოადგინოს სულ ცოტა ორი დამკვეთის სარეკომენდაციო წერილი, რომელშიც დამკვეთი დაადასტურებს STULZ-ის პრეციზიულ კონდიციონერებზე ტექნიკური ან/და საგარანტიო

მომსახურების გაწევის თაობაზე დადებული ხელშეკრულებით პრეტენდენტის მიერ ნაკისრი ვალდებულებების ჯეროვან შესრულებას.

2.3.4 დანართი №2 -ის შესაბამისად პრეტენდენტის რეკვიზიტები.

2.3.5 თუ ყველაზე დაბალი ფასის მქონე პრეტენდენტი შემსყიდველ ორგანიზაციას 2012 წლიდან 2016 წლამდე არანაკლებ სამი კალენდარული წლის განმავლობაში უწევდა იდენტურ მომსახურებას, შესაბამისი სამართლებრივი სუბიექტი თავისუფლდება სატენდერო დოკუმენტაციის 2.3.2 და 2.3.3 ქვეპუნქტებით გათვალისწინებული დოკუმენტების წარმოდგენისაგან.

შენიშვნა: სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება № 01 / 12 /

სახელმწიფო შესყიდვის შესახებ
(გამარტივებული ელექტრონული ტენდერი SPA)

ქ. თბილისი

-----, 2016 წ.

სსიპ საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი თავმჯდომარის მოადგილის ალექსანდრე თევდორაძის სახით და შპს „-----“, შემდგომში წოდებული „მიმწოდებლად“, წარმოდგენილი დირექტორის ----- სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც უწყევს მომსახურებას შემსყიდველს ამ ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული მომსახურება.

1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

ხელშეკრულების საგანია შემსყიდველის ცენტრალურ ოფისში (მის. თბილისი, წმ.ნიკოლოზის/ნ.ჩხეიძის ქ.#2) მოწყობილი სასერვერო პრეციზიული კონდიციონერების საგარანტიო და ტექნიკური მომსახურების (CPV-50700000) შესყიდვა.

3. ხელშეკრულების ღირებულება

3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის მიხედვით (დანართი №1) და შეადგენს ----- (-----) ლარს.

3.2 ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1. მიმწოდებელი ვალდებულია:

ა) 2017 წლის 1 იანვრიდან 2017 წლის 31 დეკემბრის ჩათვლით პერიოდის განმავლობაში, განახორციელოს ფასთა ცხრილით (დანართი №1) გათვალისწინებული სასერვერო პრეციზიული კონდიციონერების გამართული ფუნქციონირებისათვის საჭირო მიმდინარე ტექნიკური მომსახურება, ასევე მწყობრიდან გამოსვლის შემთხვევაში, მათი შეკეთება და, საჭიროების შემთხვევაში, ტექნიკური მომსახურებისა და შეკეთებისთვის საჭირო, სასერვერო პრეციზიული კონდიციონერის ნაწილების და მასალის შექმნა საკუთარი (მიმწოდებლის) სახსრებით;

ბ) ხელშეკრულებით გათვალისწინებული სასერვერო პრეციზიული კონდიციონერის მწყობრიდან გამოსვლის ყოველ შემთხვევაში, განახორციელოს მისი შეკეთება შესაბამისი მოთხოვნიდან 10 სამუშაო დღეში;

გ) განახორციელოს მიმდინარე ტექნიკური მომსახურება იმ გრაფიკის მიხედვით, რაც შეესაბამება ხელშეკრულებით გათვალისწინებულ სასერვერო პრეციზიული კონდიციონერების ტექნიკურ საჭიროებას;

დ) განახორციელოს მიმდინარე ტექნიკური (პროფილაქტიკური) მომსახურება შემსყიდველის მოთხოვნის შემთხვევაში, მოთხოვნიდან 5 სამუშაო დღეში;

ე) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზების გამოსწორება;

ვ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ინსპექტირება

5.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

5.2 ინსპექტირებას განახორციელებს სსიპ საჯარო რეესტრის ეროვნული სააგენტოს შესაბამისი სამსახურებრივი მოვალეობის მქონე თანამშრომელი.

5.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

5.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ მომსახურებაში აღმოჩნდება წუნი, მიმწოდებელი ვალდებულია უზრუნველყოს წუნის აღმოფხვრა, საკუთარი ხარჯებით, შემსყიდველის მხრიდან რაიმე დანახარჯის გაწევის გარეშე.

6. მომსახურების მიღება-ჩაბარების წესი

ყოველ კალენდარულ თვეში გაწეული მომსახურება ჩაითვლება მიღებულად, მიმწოდებლის მიერ შესაბამისი ანგარიშ-ფაქტურის წარმოდგენის შემდეგ, მხარეთა მიერ გაფორმებული მიღება-ჩაბარების აქტის საფუძველზე. მიღება-ჩაბარების აქტი ფორმდება დადებითი დასკვნის მქონე ინსპექტირების აქტის საფუძველზე.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

გ) დაფინანსების წყარო: 2017 წლის საკუთარი შემოსავლები.

7.2. შემსყიდველი იღებს ვალდებულებას გადაუხადოს მიმწოდებელს ყოველ კალენდარულ თვეში, გარდა დეკემბრის თვეში, მიღებული მომსახურების ღირებულება, მიმწოდებლის მიერ წარმოდგენილი საგადასახადო ანგარიშ-ფაქტურის და მხარეთა მიერ გაფორმებული მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 10 სამუშაო დღეში, ხოლო დეკემბრის თვეში მიღებული მომსახურების ღირებულება ანაზღაურდება არაუგვიანეს 2017 წლის 31 დეკემბრისა.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებარე მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების გადადების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

9.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს მის მიერ ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ვალდებულების შესრულებისათვის.

9.3 ხელშეკრულების ერთი მხარის მიერ დამატებით ვადაში ვალდებულების შეუსრულებლობის შემთხვევაში, მეორე მხარეს უფლება აქვს ცალმხრივად ვადამდე შეწყვიტოს ხელშეკრულების მოქმედება.

9.4. შემსყიდველს, მის მიერ ანგარიშსწორების ვადის გადაცილების შემთხვევაში, დაეკისრება პირგასამტეხლო ყოველ ვადაგადაცილებულ დღეზე გადაუხდელი თანხის 0.3 პროცენტის ოდენობით.

9.5. მიმწოდებელს, მის მიერ 4.1. პუნქტის ბ), გ), დ) ქვეპუნქტებით გათვალისწინებული ვადების გადაცილების შემთხვევაში დაეკისრება პირგასამტეხლო ყოველ ვადაგადაცილებულ დღეზე მომსახურების ყოველთვიური ღირებულების 0.3 პროცენტის ოდენობით.

9.6. თუ ხელშეკრულების ერთი მხარისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 3 (სამი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება და ვალდებულებ(ებ)ის დამრღვევს დააკისროს პირგასამტეხლო ხელშეკრულების ღირებულების 15% ოდენობით.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დაგების გადაწყვეტა

11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

11.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

12. ხელშეკრულების შეწყვეტა

12.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

წინამდებარე ხელშეკრულება ძალაში შედის 2017 წლის 1 იანვრიდან და მოქმედებს 2018 წლის 31 იანვრის ჩათვლით.

14. ფორს-მაჟორი

14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

14.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

ხელშეკრულება შედგენილია სამ, თანაბარი იურიდიული ძალის მქონე, ეგზემპლარად, ქართულ ენაზე. აქედან მიმწოდებელს გადაეცემა ერთი, ხოლო შემსყიდველს ორი ეგზემპლარი.

16. მხარეთა რეკვიზიტები:

შემსყიდველი

სსიპ საჯარო რეესტრის ეროვნული სააგენტო,
წარმოდგენილი თავმჯდომარის მოადგილის
ალექსანდრე თევდორაძის სახით,
მისამართი: თბილისი, სანაპიროს ქ. №2
ტელეფონი: 291-05-17,
საბანკო რეკვიზიტები:
ანგ: ხაზინის ერთიანი ანგარიში,
GE24NB0330100200165022
ბანკის კოდი: TRESGE22; სახაზინო კოდი: 707427078
ს/კ – 202238621

მიმწოდებელი

----- „-----“,
წარმოდგენილი დირექტორის
----- სახით,
მისამართი: -----
ტელეფონი: -----,
საბანკო რეკვიზიტები: ანგ. №-----,
სს „ლიბერთი ბანკი“, კოდი:-----,
ს/კ -----

საგარანტიო მომსახურების ფასთა ცხრილი

კ	რაოდენობა	საგარანტიო მომსახურების აღწერილობა	ერთ კონდიციონერზე მომსახურების გაწევის ერთი კალენდარული თვის ღირებულება	კონდიციონერების საერთო რაოდენობაზე მომსახურების გაწევის ერთი კალენდარული თვის ღირებულება	მომსახურების გაწევის პერიოდი	მომსახურების საერთო ღირებულება
პრეციზიული კონდიციონერი „STULZ“ სიმძლავრე 10კვ.	5	მიმდინარე და პროფილაქტიკური ტექნიკური მომსახურების გაწევა. კონდიციონერის მწყობრიდან გამოსვლის შემთხვევაში - მისი შეკეთება. ყოველ კონკრეტულ შემთხვევაში, ტექნიკური (პროფილაქტიკის) მომსახურებისთვის და შეკეთებისთვის საჭირო, კონდიციონერის ვარგისი ნაწილების და მასალების შეძენა განხორციელდება მიმწოდებლის სახსრებით			2017 წლის 1 იანვრიდან 2017 წლის 31 დეკემბრის ჩათვლით	
პრეციზიული კონდიციონერი „STULZ“ სიმძლავრე 20კვ.	3					
ჯამი					(ლარი)	

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში: